

Edizione diplomatico-interpretativa

	I
De bone amour uient se ance et biaute; et amours uient de ces (deus) autresi. li troi sont un que bien lai esprouue; ia anul ior nen seront depar ti. par un conseil ont ensen ble establi. li coreor qui sont auant ale. de mon cuer ont fet leur chemin ferre; tant lont use ia nen seront parti.	De bone amour vient seance et biauté, et amours vient de ces deus autresi. Li troi sont un, que bien l'ai esprouvé; Ja a nul jor n'en seront departi. Par un conseil ont ensemble establi li coreor, qui sont avant alé: de mon cuer ont fet leur chemin ferré; tant l'ont usé, ja n'en seront parti.
	II
Li co reor sont la nuit en clarte; et le iour sont pour la gent oscurci; li douz regart plesa(n)t et sauore; et les granz biens quen madame choisi. nest merueille se ie men esbahi. de li a dex le siecle enlumine. car qui auroit le plus biau ior deste; lez li seroit oscur en plai(n) midi.	Li coreor sont la nuit en clarté et le jour sont pour la gent oscurci: li douz regart plesant et savored, et les granz biens qu'en ma dame choisi; n'est merveille se je m'en esbahi. De li a Dex le siecle enluminé, car qui avroit le plus biau jor d'esté, lez li seroit oscur en plain midi.
	III
En amour a proece et hardement; li dui sont troi et du tierz sont li dui. et g(ra)nt ualeur est a ceus apendant; ou amours a et recet et refui. por cest amours li hospitaus dautrui. que nus ni faut selonc son a uenant. et iai failli dame q(ui) ualez tant: a mon ostel si ne sai ou ie sui.	En amour a proece et hardement: li dui sont troi et du tierz sont li dui, et grant valeur est a ceus apendant, ou Amours a et recet et refui. Por c'est Amours li hospitaus d'autrui que nus n'i faut selonc son avenant. Et j'ai failli, dame, qui valez tant, a mon ostel, si ne sai ou je sui.
	IV

Or ni a plus fors quali me conmant; car touz biens fez ai lessie pour celui. ma bele uie ou mamort ia tent; ne sai le quel mes quant deua(n)t li fui. ne me firent onc si oeil point dennui. ainz me uindre(n)t ferir de maintenant. par mi le cors dun amoreus senbla(n)t; oncore iest le coup que ie recui.	Or n?i a plus fors qu?a li me conmant, car touz biens fez ai lessié pour celui: ma bele vie ou ma mort i atent; ne sai le quel, més quant devant li fui. Ne me firent onc si oeil point d?ennui, ainz me vindrent ferir de maintenant par mi le cors d?un amoreus senblant; oncore i est le coup que je reçui.
	V
Li cous fu granz il ne fet quenpirier; ne nus mires ne men porroit saner. se cele non qui le dart fist lancier; se de samain idaignoit adaser. tost en porroit le coup mortel oster. o tout le fust dont iai grant desirrier. mes la poin te du fer nen puet sachier; quele bruisa dedenz au coup doner.	Li cous fu granz, il ne fet qu?enpirier, ne nus mires ne m?en porroit saner, se cele non qui le dart fist lancier. Se de sa main i daignoit adaser, tost en porroit le coup mortel oster o tout le fust, dont j?ai grant desirrier; més la pointe du fer n?en puet sachier, qu?ele bruisa dedenz au coup doner.

- letto 227 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizione-diplomatico-interpretativa-2214>